

אביה מגדולי ישראל ואף ער פי שכתוב בשבעה  
 אומות למה תתחתן בם אמרו כי רחב ובית אביה  
 נכרים היו בארץ ולא היו משבעה גוים ויש מי שאומר  
 כי כשנכנסו מרגלים ששלח יהושע ביריחו נתגיירה  
 ועדיין למה נכנסו ישראל לארץ וכו' זה למי שאמר  
 Prostat etiam *כי כתי' למה תתחתן בם בגיורתן כתיב*  
*expositio, quod Josua Rachabam in uxorem duxerit, quod voce רחבה in vi-*  
*ta conservavit, indicari putant. Posteaquam enim viderunt, quod Josua*  
*duxerit Rachabam, adhaeserunt familiae patris ejus quidam ex praecipuis Israe-*  
*litarum. Et quamvis scriptum sit de septem gentibus: Non matrimoni-*  
*um contrahas cum ipsis: Respondent tamen: Rachabam familiamque ejus*  
*fuisse peregrinam in terra illa, & non pertinuisse ad septem gentes illas. Sunt*  
*etiam alii, qui dicunt, quod eo tempore, quo exploratores ingressi sunt ter-*  
*ram, ea profelyta facta sit, quo tempore Israelitae nondum ingressi erant ter-*  
*ram. Et haec omnia dicunt in gratiam ejus, qui objicit scriptum esse, non*  
*matrimonium contrahas cum ipsis sc. gentibus. Idem legimus in libro*  
*Juchasin fol. 10. a. רחב שנשאה יהושע לאהיתה מד' עממים. Rachab,*  
*quam duxit Josua, non fuit de septem gentibus. Sed responde-*  
*mus incertis Judæorum traditionibus parum fidei esse tribuendum.*  
*Antiquior enim Matthæi traditio plus fidei meretur. Sufficit nobis,*  
*Judæos fateri, Rachabam cuidam Israelitarum principi nupsisse*  
*licet in persona erraverint. Nec chronologia obstabit, si*  
*cum Tornielo & Salmerone ap. Corn. a Lapide ad Cap. VI, 25. Jos.*  
*ponamus, Salmonem & Rachabam juvenes fuisse sub ingressum in*  
*terram Canaan; Boozum quoque Obedum & Isai senes genuisse,*  
*quod illo tempore mirum non erat, uti ex exemplis Abrahami, Mo-*  
*sis, Calebi patet. Intercedere etiam potuit extraordinaria be-*  
*nedictio in majoribus illis Christi prole ditandis, ut illi caractere*  
*quodam extraordinario designarentur. vid. Spanhem. Dubia 3. p. 14.*

## §. VIII.

Aliud dubium movet *Pontasius* loco supra citato, DEum Deut.  
 XXIII, 2. prohibuisse, ne Mamseres h. e. spurii in Ecclesiam Domini  
 ingrediantur, h. e. ne populo Judaico accenseantur, usque ad deci-  
 mam generationem. Quia vero negari non potest, Rachabæ fili-